



Олий ва ўрта махсус таълим вазирининг
2019 йил “26” июн даги 572-сон
буйруғига 2-ИЛОВА

Талабгорларнинг якка тартибдаги режаси бажарилишини ҳар чоракда мониторинг қилиш тартиби тўғрисида **НИЗОМ**

Мазкур Низом Ўзбекистон Республикасининг “Таълим тўғрисида”ги, “Кадрлар тайёрлаш миллий дастури тўғрисида”ги қонунларига, Ўзбекистон Республикаси Президентининг 2017 йил 20 апрелдаги №ПҚ-2909-сон “Олий таълим тизимини янада ривожлантириш чора-тадбирлари тўғрисида”ги қарори, Ўзбекистон Республикаси Вазирлар Маҳкамасининг 2017 йил 22 майдаги 304-сон “Олий ўкув юртидан кейинги таълим тизимини янада такомиллаштириш чора-тадбирлари тўғрисида”ги қарори, Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг 2017 йил 31майдаги 239/3-сон “Илмий даражалар берувчи илмий кенгаш тўғрисида”ги Низом, Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг 2017 йил 31майдаги 239/4-сон “Илмий даражалар бериш тартиби тўғрисида”ги Низом, Ўзбекистон Республикаси Вазирлар Маҳкамасининг 2017 йил 22 ноябрдаги 937-сон “Олий малакали илмий ва илмий-педагог кадрларни тайёрлаш ва аттеттациядан ўтказиш тартибини янада такомиллаштириш чора-тадбирлари тўғрисида”ги қарорларига мувофиқ докторант ва мустақил изланувчилар (кейинги ўринларда Изланувчи деб аталади) фаолияти самарадорлиги мониторингини олиб бориш учун ишлаб.

I. Умумий қоидалар

- Ушбу Низом изланувчилар фаолияти самарадорлиги мониторинги тартибини белгилайди.
- Мазкур Низомда қуйидаги асосий тушунчалар қўлланилади:

олий ўкув юртидан кейинги таълим – жамиятнинг олий малакали илмий ва илмий-педагог кадрларга эҳтиёжини таъминлашга йўналтирилган узлуксиз таълим тури;

олий ўкув юртидан кейинги таълим институти – ОТМ ёки ИТМда таянч докторантура, докторантура ёки мустақил изланувчилик шаклларидаги олий ўкув юртидан кейинги таълимни амалга ошириш тизими;

таянч докторантура – Ўзбекистон Республикаси Давлат бюджети маблағлари ҳисобидан молиялаштириладиган, ишлаб чиқаришдан ажralган

ҳолда мутахассисликни чуқур ўрганиш ва докторлик диссертациясини тайёрлаш ҳамда ҳимоя килиш мақсадида улар томонидан илмий изланишлар олиб бориш бўйича фалсафа доктори (PhD) илмий даражаси изланувчилари учун ОТМ ва ИТМларида ташкил этиладиган олий малакали илмий ва илмий-педагог кадрлар ихтисосликлар бўйича олий ўкув юртидан кейинги таълим шакли;

докторантурা – Ўзбекистон Республикаси Давлат бюджети маблағлари ҳисобидан молиялаштириладиган, ишлаб чиқаришдан ажралган ҳолда мутахассисликни чуқур ўрганиш ва докторлик диссертациясини тайёрлаш ҳамда ҳимоя қилиш мақсадида улар томонидан илмий изланишлар олиб бориш бўйича фан доктори (DSc) илмий даражаси изланувчилари учун ОТМ ва ИТМларида ташкил этиладиган олий малакали илмий ва илмий-педагог кадрлар ихтисосликлар бўйича олий ўкув юртидан кейинги таълим шакли;

мустақил изланувчилик – ишлаб чиқаришдан ажралмаган ҳолда докторлик диссертациясини тайёрлаш ва ҳимоя қилиш мақсадида мутахассисликни чуқур ўрганиш ва улар томонидан илмий изланишлар бўйича фалсафа доктори (PhD) ёки фан доктори (DSc) илмий даражалари изланувчилари учун ОТМ ва ИТМларда ташкил этиладиган олий малакали илмий ва илмий-педагог кадрлар бўйича олий ўкув юртидан кейинги таълим шакли;

докторант – ОТМ ёки ИТМга таянч докторантурा ёки докторантуррага белгиланган тартибда қабул қилинган шахс;

мустақил изланувчи – ОТМ ёки ИТМга мустақил изланувчиликка белгиланган тартибда қабул қилинган шахс;

изланувчи – фалсафа доктори (PhD) ёки фан доктори (DSc) илмий даражасини олиш учун докторлик диссертациясини тайёрлаётган шахс;

мониторинг – изланувчиларнинг илмий фаолиятини белгиланган мезонларга солишириш билан натижаларини қайд этиш, баҳолаш ва прогнозлаш ҳамда доимий кузатув жараёни.

3. Докторант ва мустақил изланувчиларнинг илмий фаолиятини мониторингини электрон назорат қилиш мақсадида мақсадли мониторинг-ахборот тизими (кейинги ўринларда Тизим деб аталади) қўлланилади. Тизимнинг мақсади - изланувчининг ўз вақтида ҳимоя қилишини таъминлаш, уч йил давомида шахсий иш режанинг ойма-ой бажарилиши учун мониторинг олиб боришдан иборат. Тизим докторант ва

мустақил изланувчиларнинг маълумотлар базасини шакллантириш ҳамда мониторинг олиб бориш учун мўлжалланган.

II. Мониторинг мақсади ва вазифаси

4. Мониторинг мақсади – илмий-тадқиқот ишларини талаб даражасида натижадорлигини ва ўз вақтида тугатишни таъминлашдан иборат.

5. Мониторинг вазифалари:

умумий базани яратиш;

шахсий иш режаларини маълумот базаси сифатида акс эттириш;

диссертацияни тайёрлаш жараёнини кузатиб бориш;

диссертация тайёрлаш босқичларини ўз вақтида амалга оширишни таъминлаш бўйича чоралар кўриш;

илмий раҳбар ва маслаҳатчиларнинг фаолиятининг натижавийлигини кузатиб боришдан иборат.

III. Мониторингни ўтказиш тартиби

6. Мониторингни амалга ошириш учун маҳсус эксперт гуруҳлари ва ихтисосликлар бўйича табақалаштирилган эксперт гуруҳи таркибиға фан тармоғига мувофиқ илмий даражага эга мутахассислар киритилади. Бундан ташқари олий ўқув юртидан кейинги таълим институтларининг юқори малакали илмий ходимларни тайёрлаш жараёнини ташкилий бошқарувини амалга оширувчи бўлинма раҳбарлари ҳам киритилиши мумкин.

7. Илмий даражага эга, диссертация мавзуси бўйича илмий ишлари мажуд бўлган 2 та мутахассис (мутахассис бошқа ташкилотлардан таклиф қилиниши мумкин) ва докторант таҳсил олаётган кафедра мудири (бўлим бошлиғи), факультет декани ҳамда Илмий-тадқиқотлар, инновациялар ва илмий-педагогик кадрлар тайёрлаш бўлими бошлиғи (докторантура учун масъуллар)дан иборат бўлган 5 кишилик Эксперт гуруҳи тузилади.

8. Эксперт гуруҳларининг фаолиятларига ва мониторинг натижаларига мониторингни ўтказиш учун тайинланган масъул ходим жавоб беради.

IV. Ҳисобот ҳужжатлари

9. Ҳар бир изланувчининг илмий фаолиятга оид қўйидаги ҳужжатлари бўлиши лозим:

изланувчи ҳақидаги маълумотлар (расм, таянч докторантура, докторантура ва мустақил изланувчиликка кирганлиги тўғрисида буйруқнинг электрон варианти);

уч йиллик шахсий режанинг электрон варианти;
назарий-методологик дастурнинг электрон варианти, тасдиқланган
электрон варианти;

илмий мақолалар ва тезисларнинг электрон варианти;
малакавий ва қўшимча имтиҳонларнинг электрон варианти;
диссертация иши тўғрисида кафедра кўчирмаларининг электрон
варианти;

илмий семинарда иштироки тўғрисида маълумотларнинг электрон
варианти (Фалсафа доктори (PhD) илмий даражаси учун изланувчилар
фаолиятида ўқишининг биринчи йилида ОТМ ёки ИТМ семинарида
диссертация мавзусига доир таҳлилий умумлаштирувчи қисқача маълумот
натижалари бўйича (илмий раҳбар билан биргаликда) маъруза қилганлиги
хамда ўқишининг икинчи йилида ОТМ ёки ИТМ илмий-ташкилий бўлинмаси
(кафедра, лаборатория, бўлим, сектор) илмий семинарда диссертация ишининг
дастлабки натижалари бўйича (мустақил) маъруза билан иштирок этиши
инобатга олинган) этганлиги тўғрисидаги хужжатлар.

10. Маълумотларни тақдим этиш учун масъул – изланувчилар ва унинг
илмий раҳбарлар.

V. Изланувчилар фалиятини баҳолаш мезонлари

11. Эксперт гурухи фалсафа доктори (PhD) илмий даражалари учун
изланувчилар фаолияти самарадорлигининг мониторинги қуидаги мезонлар
бўйича амалга оширилади:

Ўқишининг биринчи йилида:

диссертация мавзуси бўйича тасдиқланган шахсий режанинг
мавжудлиги ва унинг бажарилиши;

ихтисослик бўйича тасдиқланган назарий-методологик дастурнинг
мавжудлиги ва унинг бажарилиши;

ОАК рўйхатида қўрсатилган тармоқ илмий журналларида диссертация
мавзуси бўйича камида битта илмий мақоланинг чоп этилганлиги;

илмий конференцияда диссертация мавзуси бўйича маъруза билан
иштирок этганлиги;

диссертация мавзуси бўйича таҳлилий умумлаштирувчи қисқача
маълумотнинг мавжудлиги;

ОТМ ёки ИТМ семинарида диссертация мавзусига доир таҳлилий
умумлаштирувчи қисқача маълумот натижалари бўйича (илмий раҳбар билан
биргаликда) маъруза қилганлигини акс эттирувчи хужжатнинг нусхаси
мавжудлиги.

ўқишининг иккинчи йилида:

ОАК рўйхатида кўрсатилган тармоқ илмий журналларида диссертация мавзуси бўйича ҳисобот даврида чоп этилган камидаги битта илмий мақоланинг мавжудлиги;

диссертация мавзуси бўйича ҳисобот даврида илмий конференция материалларида камидаги битта чоп этилган маъруза тезисининг мавжудлиги;

ОАК рўйхатида кўрсатилган хорижий журналда диссертация мавзуси бўйича камидаги битта чоп этилган илмий мақола мавжудлиги;

ОТМ ёки ИТМ илмий-ташкилий бўлинмаси (кафедра, лаборатория, бўлим, сектор) илмий семинарида диссертация ишининг дастлабки натижалари бўйича (мустакил) маъруза билан иштирок этиш;

диссертация мавзуси бўйича шахсий режасининг бажарилиши бўйича ҳисоботнинг нусхаси мавжудлиги.

ўқишининг учинчи йилида:

журналларда, шу жумладан хорижий журналларда сони ОАК талабларига мувофиқ чоп этилган илмий мақолалари мавжудлиги;

ОАК талабларига мувофиқ тайёрланган тугалланган диссертация иши, авторефератининг мавжудлиги;

ОТМ ёки ИТМ илмий-ташкилий бўлинмалари мажлисларида диссертация ва авторефератининг кўриб чиқилганлиги ва муҳокама килинганлигини тасдиқловчи ҳужжатнинг нусхаси мавжудлиги.

12. Эксперт гурӯҳи фан доктори (DSc) илмий даражалари учун изланувчилар фаолияти самарадорлигининг мониторинги қуидаги мезонлар бўйича амалга оширилади:

ўқишининг биринчи йилида:

диссертация мавзуси бўйича шахсий режанинг мавжудлиги ва унинг бажарилиши;

диссертациянинг биринчи ва иккинчи боблари тайёрлиги;

диссертация мавзуси бўйича ОАК рўйхатида кўрсатилган журналларда камидаги учта илмий мақола чоп этилганлиги;

диссертация мавзуси бўйича Республика ва халқаро илмий конференциялар материалларида камидаги битта маъруза тезиси чоп этилганлиги;

диссертация мавзуси бўйича илмий конференция ёки семинарда маъруза қилиш;

диссертация мавзуси бўйича таҳлилий шарх;

диссертация мавзуси бўйича таҳлилий шарҳ натижалари бўйича семинарда сўзга чикқанлигини тасдиқловчи ҳужжат нусхасининг мавжудлиги.

Ўқишининг иккинчи йилида:

диссертациянинг учинчи ва тўртинчи боблари тайёрлиги;

ОАК рўйхатида кўрсатилган журналларда диссертация мавзуси бўйича камида тўртта илмий мақола эълон қилинганини (жумладан биттаси хорижда);

диссертация мавзуси бўйича халқаро ва республика илмий конференциялар материалларида чоп этилган камида битта маъруза тезисининг мавжудлиги;

диссертация ишининг дастлабки натижалари бўйича семинар ўтказиш;

конференция ёки семинарда маъруза билан қатнашиш (камида бир марта);

диссертация мавзуси бўйича шахсий режанинг бажарилиши тўғрисидаги хисобот нусхасининг мавжудлиги.

Ўқишининг учинчи йилида:

диссертация мавзуси бўйича ОАК рўйхатида кўрсатилган журналларда камида учта илмий мақола эълон қилинганини;

диссертация натижалари бўйича (ижтимоий-гуманитар фанлар бўйича) чоп этилган монографиянинг мавжудлиги;

ОАК талабларига мувофиқ тайёрланган тугалланган диссертация иши ва авторефератнинг мавжудлиги;

диссертация ёки авторефератни ОТМ ёки ИТМ илмий-ташкилий бўлинмаларида кўриб чиқилганини ва мухокама этилганлигини тасдиқловчи ҳужжатнинг нусхаси мавжудлиги.

13. Таянч докторант ёки докторантларнинг илмий фаолиятини натижадорлиги уларнинг шахсий режаларига ва мазкур низомнинг 11 ва 12-бандлари талабларига мувофиқ таҳлил қилинади.

14. Таянч докторант ёки докторантнинг шахсий режаси бўйича белгиланган вазифалар ҳамда мазкур низомнинг 11 ва 12-бандларидаги талаблар тўлиқ бажарилган бўлса, мониторинг натижалари ижобий деб хисобланади.

15. Эксперт гурӯҳи таянч докторант ёки докторантларнинг илмий фаолиятини натижадорлиги уларнинг шахсий режаларига ва мазкур низомнинг 11 ва 12-бандлари талабларига мувофиқ таҳлили асосида шахсий режанинг бажарилиши тўғрисида хулоса тайёрлайди.

16. Шахсий режа бажарилмаганлиги аниқланган ҳолатларда унинг бажарилмаганлиги сабаби аник кўрсатилади.

17. Изланувчига бириктирилган факультет декани, изланувчи томонидан тайёрланган ҳисботни факультетнинг Илмий-техникавий кенгашида ҳимоя қилинишини, ҳимоя қилиш санаси ва вақтини олий таълим муассасаси ёки илмий-тадқиқот муассасасининг веб сайтининг маҳсус саҳифасида эълон қиласи.

18. Ҳисбот мухокамаси натижалари олий таълим муассасаси ёки илмий-тадқиқот институтининг Илмий кенгашига тақдим этилади.

19. Илмий кенгаш йиғилишда докторант (изланувчи)нинг ҳисботи ва илмий раҳбарининг ҳисботини эши билади ва эксперт гурухининг хулосаларини ҳисобга олиб, докторантнинг ўқишни давом эттириши мақсадга мувофиқлиги тўғрисида қарорини киритади.

20. Ҳисбот материаллари, Эксперт гурухи ва Илмий кенгашнинг хулосалари электрон шаклда Олий ва ўрта маҳсус таълим вазирлигининг Илмий-тадқиқот фаолиятини мувофиқлаштириш бошқармасига тақдим этилади.

21. Тадқиқотчи томонидан ҳисбот материаллари олий таълим муассасаси ёки илмий-тадқиқот муассасаси сайтининг маҳсус саҳифасида онлайн режимда тақдим этилади.

22. Эксперт гурухи онлайн режимда ҳисбот материаллари билан танишади ва таҳлил қиласи.

23. Ҳисбот материаллари ва хулосалар, олий таълим муассасасининг Илмий кенгashi қарори ёки илмий-тадқиқот муассасасининг Илмий кенгаши қарори муассаса веб сайтининг маҳсус саҳифасида эълон қиласи.

24. Изланувчилар фалиятини баҳолаш 1 ва 2-иловаларда келтирилган жадвалларга мувофиқ амалга оширилади. Жадваллардаги мезонлар талаблари бажарилган бўлса, тегишли мезонга (+) ишораси ёки мезонлар талаблари бажарилмаган бўлса, тегишли мезонга (-) ишораси билан белгиланади.

VI. Изланувчилар фаолияти мониторинги натижаларини қўриб чиқиши

25. Ҳар бир йил чораги якунида (чоракдан кейинг ойнинг 5-санасигача) мониторинг натижалари Коллегиал орган томонидан қўриб чиқилади ва тасдиқланади. Шахсий режаларини бажармаган изланувчиларга нисбатан тегишли қарорлар қабул қилинади.

26. Шахсий режаларини бажармаган докторантларнинг фаолияти алоида қўриб чиқилади ва илмий раҳбар ва тегишли кафедра мудирига

чоралар кўрилади ҳамда камчиликларни бартараф этиш бўйича чора-тадбирлар ишлаб чиқилади ва Кенгаш томонидан тасдиқланади.

27. Докторантурадан мониторинг натижалари бўйича четлатилган ёки диссертациясини муддатида ҳимоя қилмаган шахслар диссертациясини тугатиш ва ҳимоя қилиш даврида мустақил изланувчи сифатида расмийлаштирилиши мумкин.

28. ОТМ ёки ИГМнинг ички тартиби ва коидаларини бузганлиги учун ўқишдан четлатилади.

Талабгорларнинг якка тартибдаги режаси
бажарилишини ҳар чоракда мониторинг
килиш тартиби тўғрисидаги низом

1-ИЛОВА

Фалсафа доктори (PhD) илмий даражаси учун изланувчилар фаолиятинииг самарадорлиги мониторинги мезонлари

Тадқиқотчининг Ф.И.Ш.		Мезонлар	Изоҳ
ўқишишнинг биринчи йилида			
1.	Диссертация мавзуси бўйича тасдиқланган шахсий режа нусхаси		
2.	Ихтисослик бўйича тасдиқланган назарий-методологик дастур нусхаси		
3.	ОАК рўйхатида кўрсатилган тармоқ илмий журналларида диссертация мавзуси бўйича чоп этилган илмий мақоланинг нусхаси (камидга 1 та)		
4.	Диссертация мавзуси бўйича илмий конференциядаги маъруза (тезис) нусхаси		
5.	Диссертация мавзуси бўйича таҳлилий умумлаштирувчи қисқача маълумот нусхаси		
6.	ОТМ ёки ИТМ семинарида диссертация мавзусига доир таҳлилий умумлаштирувчи қисқача маълумот натижалари бўйича (илмий раҳбар билан биргаликда) маъруза қилганлигини акс эттирувчи ҳужжат нусхаси		
ўқишишнинг иккинчи йилида			
1.	Хисобот даврида ОАК рўйхатида кўрсатилган тармоқ илмий журналларида диссертация мавзуси бўйича чоп этилган илмий мақоланинг нусхаси (камидга 1 та)		
2.	Хисобот даврида диссертация мавзуси бўйича илмий конференция материалларида чоп этилган маъруза тезисининг нусхаси (камидга 1 та)		
3.	ОАК рўйхатида кўрсатилган хорижий журналда диссертация мавзуси бўйича камидаги битта чоп этилган илмий мақоланинг нусхаси (камидга 1 та)		
4.	ОТМ ёки ИТМ илмий-ташкилий бўлинмаси (кафедра, лаборатория, бўлим, сектор) илмий семинарида диссертация ишининг дастлабки натижалари бўйича (мустакил) маъруза қилганлигини акс эттирувчи ҳужжатнинг нусхаси		
5.	Диссертация мавзуси бўйича шахсий режасининг бажарилиши бўйича хисоботнинг нусхаси		
ўқишишнинг учинчи йилида			
1.	Журналларда, шу жумладан хорижий журналларда сони ОАК талабларига мувофиқ чоп этилган илмий мақолаларининг нусхалари		
2.	ОАК талабларига мувофиқ тайёрланган тугалланган диссертация иши, авторефератининг мавжудлигини тасдиқловчи ҳужжатнинг нусхаси		
3.	ОТМ ёки ИТМ илмий-ташкилий бўлинмалари мажлисларида диссертация ва авторефератининг кўриб чиқилганлиги ва муҳокама қилинганлигини тасдиқловчи ҳужжатнинг нусхаси		

Талабгорларнинг якка тартибдаги режаси
бажарилишини ҳар чоракда мониторинг
қилиш тартиби тўғрисидаги низом
2-ИЛОВА

**Фан доктори (DSc) илмий даражаси учуй изланувчилар фаолиятининг
самарадорлиги мониторинги мезонлари**

Тадқиқотчининг Ф.И.Ш.		Мезонлар	Изоҳ
ўқишишнинг биринчи йилида			
1.	Диссертация мавзуси бўйича тасдиқланган шахсий режа нусхаси		
2.	Диссертациянинг биринчи ва иккинчи боблари pdf форматда электрон нусхаси (кўчириш ва чоп этиш химояланган)		
3.	Диссертация мавзуси бўйича ОАК рўйхатида кўрсатилган журнallарда илмий мақолаларнинг нусхаси (камида 3 та)		
4.	Диссертация мавзуси бўйича республика ва халқаро илмий конференциялар материалларида маъруза тезиси нусхаси (камида 1 та)		
5.	Диссертация мавзуси бўйича илмий конференция ёки семинарда маъруза қилинганини тасдиқловчи хужжатнинг нусхаси		
6.	Диссертация мавзуси бўйича таҳлилий шарҳи pdf форматда электрон нусхаси (кўчириш ва чоп этиш химояланган)		
7.	Диссертация мавзуси бўйича таҳлилий шарҳ натижалари бўйича семинарда сўзга чиққанлигини тасдиқловчи хужжат нусхаси		
ўқишишнинг иккинчи йилида			
1.	Диссертациянинг учинчи ва тўртинчи боблари pdf форматда электрон нусхаси (кўчириш ва чоп этиш химояланган)		
2.	Ҳисобот даврида диссертация мавзуси бўйича илмий конференция материалларида чоп этилган маъруза тезисининг нусхаси (камида 1 та)		
3.	ОАК рўйхатида кўрсатилган хорижий журналда диссертация мавзуси бўйича камидা битта чоп этилган илмий мақоланинг нусхаси (камида 1 та)		
4.	ОТМ ёки ИТМ илмий-ташкилий бўлинмаси (кафедра, лаборатория, бўлим, сектор) илмий семинарида диссертация ишининг дастлабки натижалари бўйича (мустакил) маъруза килганини акс эттирувчи хужжатнинг нусхаси		
5.	Диссертация мавзуси бўйича шахсий режасининг бажарилиши бўйича ҳисботнинг нусхаси		
ўқишишнинг учинчи йилида			
1.	Журналларда, шу жумладан хорижий журналларда сони ОАК талабларига мувофиқ чоп этилган илмий мақолаларининг нусхалари		
2.	ОАК талабларига мувофиқ тайёрланган тугалланган диссертация иши, авторефератининг мавжудлигини тасдиқловчи хужжатнинг нусхаси		
3.	ОТМ ёки ИТМ илмий-ташкилий бўлинмалари мажлисларида диссертация ва авторефератининг кўриб чиқилганини ва муҳокама қилинганини тасдиқловчи хужжатнинг нусхаси		